

部填註等因奉奉

聖旨該衙門知道欽此欽遵抄出送司案查先為

欽恤事奉本部送據直隸保定府申得犯人李名犯該前罪聞詳到部送司

叅詳合律具本轉叅該大理寺官奉奉

聖旨李名着依律決了欽此欽遵回報到司已經類行本府監候覆奏審

決聞今該前因查例相同案呈到部看得監察御史謝肇淩

得聞毆殺人絞罪犯人李名曾經二次破產私和欲照例押

發貴州郁清二衛永遠充軍與本部題

准前項事例相同伏乞

聖明裁處緣係照例充軍填實邊衛及奉

欽依該衙門知道事理未敢擅便於

奉天門奉

聖旨李名饒死打一百押發貴州清平衛永遠充軍家小隨住今後這

等死罪囚犯若有各項情節可矜的都照此例奏請欽此

禁約火放故燒係官錢糧草束例

成化八年六月十六日刑部尚書等官陸 等於

奉天門奏奉

聖旨各邊草束都係百姓供運中間多少艱難有等無稽之徒或欺瞞作

弊或懷挾私忿輒起奸謀放火燒毀近日龍門千戶所犯

人冒冒怨燒毀草束五十餘萬事發處以極刑外他部裏還

出榜通行各邊倉場常川張掛曉諭今後若有此等奸詐

之徒故燒係干錢糧草束者拏問明白俱照此例將正犯梟

首示衆燒毀之物先儘犯人財產折判賠償不敷之數着落經

收看守之人照數均陪其經收之人不行用心巡視依治罪欽此

一無藉之徒放火燒人房屋但有指實証佐明白即係頭

跡依律問罪